



Cuira

Exposiziun da mastergn «Fiutscher» avra sias portas

Dals 15 fin ils 19 da november è l'exposiziun da mastergn grischuna Fiutscher en la Halla da la citad da Cuira. Ella vegn organisada da l'Uffizi per furmaziun professiunala e l'Uniun grischuna d'artisanadi e mastergn. Ils organisaturs quintan cun 13 000 visitadras. 90 expositurs preschentan 180 professiuns e bleras scolaziuns supplementaras e sa drizza a giuventetgna ed a creschids. Quels pon s'infurmar direct ed er empruvar lur abilitads.

Da la mesemna fin il venderdi visitan passa 3500 scolaras e scolars dal stgalim aut da l'entir chantun l'exposiziun. La fin d'emna pon lura er ils geniturs s'infurmar da tut las professiuns e scolaziuns supplementaras. Tut ils arranschaments pon vegnir persequitads gist là en il lieu u pli tard sin la pagina web da Fiutscher. Malgrà tut las novaziuns stattan las differentas professiuns en il center.

Per l'emprima giada datti er in campiunadi svizzer per persunas ch'emprendan il mastergn dal mazler. Mancanza da forzas da lavur – cunzunt persunas che han fatg in emprendissadi – è il mument la sfida la pli gronda per interpresas grischunas. La furmaziun professiunala saja in element central per prevegnir a quest problem, di

Viktor Scharegg

, il president da l'Uniun da mastergn. A la fin datti era ina discussiun cun represchentanants da la politica ed economia sco p. ex. il cusseglier guvernativ

Martin Bühler

ed il cusseglier naziunal

Martin Candinas

. (cdm/fmr)

* Ulteriuras infurmaziuns, il program cumplet, uras d'avertura ed ulteriurs detagls èn da chattar sin www.fiutscher.ch